



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 54. Visio Wetini.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

demus. Summa Imperatoris potestas in ea clare deprehenditur sicut etiam in formula juramenti, quod Lotharius a Romanis præstari præcepit, cujus summa talis erat: *Promitto, me fidelem fore Imperatoribus Ludovico & Lotbario, salva Fide quam Papæ promisi. Non consentiam, ut aliquis Papa, nisi Canonice eligatur, neque ut Papa electus consecretur, priusquam præsentem Mandatario Imperatoris ejusmodi juramentum, quale Eugenius Papa scripto edidit, pronunciaverit.*

Sæculum IX.

A. C. 824.

§. LIV.

Visio Wetini.

Eodem anno octingentesimo vigesimo quarto e vivis excessit Wetinus seu Guetinus Monachus Augiæ divitis in Diœcesi Constantiensi, fuitque hujus viri obitus ex adjunctis plane singularibus memorabilis. Septem artibus liberalibus imbutus Magistri munus in illo Monasterio non sine laude obibat. Cum vigesima nona Octobris ægrotaret, lectulo se dedit, & somnio perterritus, rogavit sibi prælegi ultimum librum Dialogorum S. Gregorii, ubi plures mortuorum apparitiones refert, & de statu animæ post hanc vitam agit. Post

A. SS. B.

to. 5. p. 265.

L 2

hanc

Sæculum IX. hanc lectionem, cum se in lecto ad quietem collocasset, eidem dormienti adstare visus est Angelus, qui ei in viam amœnissimam deducto montes miræ pulchritudinis & altitudinis ostendit, quibus ingens & igneus fluuius circumfundebatur. In eo torquebantur plurimi homines, & aliqui etiam Wetino minime ignoti. Conspiciebat Episcopos & Presbyteros & mulieres, quibus cum peccaverant. Dixitque ad eum Angelus: *Plerique Episcopi avaritiâ laborant, Aulæ negotiis implicantur, fastu in vestibus & in epulis delectantur; ad Salutem animarum vilipendunt. Deliciis & voluptatibus immerguntur, unde indigni fiunt, qui pro aliis apud Deum intercedant. Cur enim tempore pestis & famis populos iuvare non potuerunt?*

Ann. Eginh.
n. 8.

Anno superiore octingentesimo vigesimo tertio Franciam pestis exitialis, & anno octingentesimo vigesimo pestis simul & dira fames afflixerant. Inter illos, qui in hoc purgatorio cruciabantur, Wetinus agnovit quemdam Principem, olim Regem Italiæ & Romæ; quod vehementer mirabatur, fuerat enim ille vir maximus, & in hoc Sæculo Ecclesiam potentissime defenderat. Dixit ei Angelus; *Hunc Principem, quam*

vis præstitisset multa Deo gratissima, *Sæculum IX.*
 quorum mercedem non esset amissurus, *A. C. 824.*
 libidinem tamen non repressisse, & eo
 vitio inquinatum longam vitam clau-
 sisse. Quasivero istud fragilitatis huma-
 næ peccatum fuisset, quod multitudi-
 ne bonorum operum potuisset obtegi.
 Nihilominus, subjunxit Angelus, *ad vi-*
tam cum electis prædestinatus est. Du-
 bio locus non superest, quin Princeps
 iste sit Carolus Magnus; (*) & quam-
 vis hæc visio nihil supra somnium a na-
 turali dispositione proveniens fuisse di-
 ceretur, inde tamen dispicimus, quæ
 opinio de Statu animæ ipsius, annis post
 obitum ejus decem, viris piis fuerit.
 Si credidissent, Carolum vitam posuisse
 adulterio aut Concubinato illicito im-
 plicitum, inferno dignum judicare de-
 buissent; nunc vero cum eum in pur-
 gatorium miserint, incontinentiam, cu-
 jus ipsum arguebant, non fuisse le-
 thalem culpam putaverint, necesse

L 3 est.

(*) In Annalibus Benedictinis Auctore Ma-
 billonio ad hunc annum Carolus & alii absolu-
 te nominantur: *Ubi Sacerdotes, Monachos,*
Waldonem Abbatem, Adalhelmum Episcopum,
Carolus Imperatorem piacularibus tormen-
tis addictos conspexit, Comitesque non pau-
cos &c.

Sæculum IX. est. (*) Inde autem incontinentiam sus-
 picabantur, quod diversis temporibus
 A C. 824. novem habuisset uxores, iisque etiam
Sup. n. 9. in senectute abstinere non potuisset. Si
 enim ad secundas & tertias nuptias
 transire fragilitas credebatur, ob quam
 pœnitentia, integris annis duratura, se-
 cundum S. Basilium injungebatur, cer-
 te octavas & nonas inire peccatum ve-
Ad Amphil. niale haberi poterat. Vide, quæ Theo-
c. 4. 24. 50. dorus Studita, illo ævo quo Carolus
53. 80. Magnus in vivis agens, de his scri-
 pserit.

Angelus deinde longe gratissimum
Sup. Lib. Wetino spectaculum ostendit, nempe
XVII. §. 15. Beatorum Sedes, & certum fecit de Sa-
I. ep. 50. inf. lute Geroldi, qui cum esset Comes Ba-
L. XLVII. variae sub Carolo Magno multa Bona Mo-
 nasterio Augiensi diviti contulerat, in
 bello contra Hunnos anno septingente-
 simo nonagesimo nono occisus. Post
 hæc ab Angelo Duce varia monita pro
 Mona-

(*) Ita omnino judicare poterant pii viri
 ex verbis Angeli ad Wetinum dicentis, ut supra
 Carolum, *eo vitio inquinatum longam vitam
 clausisse.* Ceterum contingere potuisset (sed
 non dico ita contigisse) ut Carolus peccatum
 etiam grave in purgatorio lueret, nempe tale
 cujus culpam quidem non autem omnem pœ-
 nam, dum viveret, pœnitentia delevisset.

Monachis ei data, & inter alia ut ne-
cessariis contenti viverent. Interro-
ganti Wetino, ubi melius Instituti Mo-
nastici Disciplina vigeret, Angelus re-
spondit; eam in Regionibus transmari-
nis magis florere, quia Monachi spiritum
paupertatis ibi servarent.

Sæculum IX.
A. C. 824.

Quod an de Orientalibus Monachis
an de Britannicis intelligendum sit, in-
certum. Ceterum docet nullum ma-
gis ab hominibus horrendum esse cri-
men, quam quod ipsi naturæ adverfa-
tur.

Sibi demum redditus Wetinus,
priusquam illuxisset, visa quantocius ce-
ræ committi curavit, atque exacto bi-
duo, ut prædixerat, ultimam clausit
horam, etsi nullum morbi lethiferi de-
prehenderetur indicium. Hæc visa
Hetto Abbas senior ejusdem Monaste-
rii prosa oratione litteris fidelissime
mandavit, & anno sequente octingen-
tesimo vigesimo quinto Walafrius Stra-
bo ejusdem Congregationis Monachus
tunc annos natus octodecim eadem
metro reddidit. Nomina illorum &
Caroli Magni, quos Wetinus in cru-
ciatibus viderat, Acrostychis designa-
vit.